

“Саводул аъзам” дан ажралмаслик лозимлиги

21:17 / 21.04.2017 3581

Пайғамбаримиз соллаллоҳу алайҳи васалламга умматларининг етмиш уч фирқага бўлиниб кетишлари билдирилган. Бу ҳақида у зот шундай хабар берганлар:

يَلَعُ دُوهُ يَلَلِ تَقَرَّفَت «لَا قَمَّ لَسَوَّ هِيَ لَعُ لَلِ لَّ صَدَّ لَلِ لُ وُسَرَّ نَأَ رِيْرُهُ يَبَأَ نَع
يَتَّمُ أَ قَرَّتْ فَتَوَكَّلَ دَلْ ثَمَّ يَرَا صَنَّ لَوَّ أَوْ قَرَّفَ نِيْ غَبَسَوَّ نِيْ تَنْثَا وَ نِيْ غَبَسَوَّ يَدُجِ
يَذِمُّ رَّتْ لَوَّ هَاوَرَّ قَرَّفَ نِيْ غَبَسَوَّ ثَا لَثَ يَلَعُ

Абу Ҳурайра розияллоҳу анҳудан ривоят қилинади: “Расулуллоҳ соллаллоҳу алайҳи васаллам дедилар: “Яхудийлар етмиш бир фирқага ёки етмиш икки фирқага бўлиниб кетганлар. Насронийлар ҳам ўшанча (фирқага бўлиниб кетишган). Менинг умматим етмиш уч фирқага бўлинади”. Термизий ривоят қилган.

Имом Термизий Абдуллоҳ ибн Амр розияллоҳу анҳудан ривоят қилган бошқа бир ҳадисда эса шундай дейилган:

يَلَعُ يَتَّمُ أَ قَرَّتْ فَتَوَكَّلَ مَنِيْ غَبَسَوَّ نِيْ تَنْثَا يَلَعُ تَقَرَّفَتَ لِيْ اَرْسَا يَبَّ نَاو
لَا قَمَّ لَسَوَّ هِيَ لَعُ لَلِ لُ وُسَرَّ نَأَ رِيْرُهُ يَبَأَ نَع يَلَعُ دُوهُ يَلَلِ تَقَرَّفَتَ
يَبَأَ نَع يَلَعُ دُوهُ يَلَلِ تَقَرَّفَتَ يَبَأَ نَع يَلَعُ دُوهُ يَلَلِ تَقَرَّفَتَ يَبَأَ نَع
يَلَعُ دُوهُ يَلَلِ تَقَرَّفَتَ يَبَأَ نَع يَلَعُ دُوهُ يَلَلِ تَقَرَّفَتَ يَبَأَ نَع

“Албатта Бани Исроил етмиш икки миллатга бўлиниб кетганлар. Умматим етмиш уч миллатга бўлинади, фақат битта миллатдан бошқа барчаси дўзахда бўлади”, дедилар. Шунда (саҳобалар): Эй Аллоҳнинг Расули улар ким? дейишди. У зот: “Менинг ва саҳобаларимнинг йўлида бўлганлардир”, дедилар.

Ушбу ҳадиси шарифда фақат битта миллат тўғри йўлдан оғишмасдан нажот топишлари хабар берилган. Бу миллатнинг қандай сифатда бўлиши қуйидаги бошқа бир ҳадисда хабар берилган:

أَلَيْ تَمُّ أُنَا: لُ وُقَي، مَّ لَسَوَّ هِيَ لَعُ لَلِ لُ وُسَرَّ نَأَ رِيْرُهُ يَبَأَ نَع
نُبَأَ هَاوَرَّ مَطْعَ أَلِ دَاوُسَ لَابُ مَّ كَيْ لَعُ فَا فَا لَتَخُ أُمُّ تِيْ أَرَا إِفِ، رِيْ لَعُ مَّ تَجَّ
عَ أَمَّ

Анас ибн Моликдан ривоят қилинади: “Расулуллоҳ соллаллоҳу алайҳи васалламнинг: “Умматим асло залолат устида жамланмайди. Шунинг учун

қачон ихтилоф кўрсаларинг “саводул аъзам”ни лозим тутинглар”, деётганларини эшитдим”. Ибн Можа ривоят қилган.

“Саводул аъзам” калимаси “Улкан жамоат” маъносига тўғри келади.

Демак, мазкур ҳадиси шарифларга кўра Расулуллоҳ соллаллоҳу алайҳи васалламнинг умматлари ҳам кўплаб фирқаларга бўлиниб кетадилар. Аммо уларнинг ичидан фақат биттаси у зотнинг ва саҳобаларининг ҳамда уларга эргашганларнинг йўлларини маҳкам ушлаган бўладилар. Бу зотлар умматнинг “саводул аъзам”и яъни, аҳли сунна вал жамоа бўладилар. “Саводул аъзам”дан ажралмаслик барча умматларига Расулуллоҳ соллаллоҳу алайҳи васалламнинг буйруқлари ҳисобланади. Имом Мотуридий роҳматуллоҳи алайҳининг шогирдларидан бири Абул Қосим Ҳаким Самарқандий “Саводул аъзам” номли асарларида ҳадиси шарифда хабар берилган “Саводул аъзам”нинг олтмиш иккита хислатини баён қилган.

Баъзи уламолар ҳадиси шарифда хабар берилган етмиш икки фирқанинг асли еттита фирқага тақалади, деганлар ва уларни номма-ном келтирганлар:

1. Муътазила фирқаси. Бу фирқанинг ўзи йигирма фирқага бўлиниб кетган;
2. Шиа фирқаси. Бу фирқанинг ўзи ҳам ўзаро йигирма иккита фирқага бўлиниб кетган;
3. Хавориж фирқаси. Бу фирқанинг ўзи ҳам йигирма фирқага бўлиниб кетган;
4. Нажжория фирқаси. Бу фирқанинг ўзи учта фирқага бўлиниб кетган;
5. Жабария фирқаси. Бу фирқа бандаларга ихтиёр берилганини инкор қиладиган ягона фирқа бўлган;
6. Мушаббиха фирқаси. Бу фирқанинг ўзи бешта фирқага бўлиниб кетган;
7. Ҳулулия фирқаси. Бу фирқа ҳам камчиликни ташкил қиладиган битта фирқа бўлган.

Ушбу ҳисобга кўра, мазкур фирқаларнинг умумий адади етмиш иккита бўлади ва бу қарашни айтган уламоларнинг наздида булардан кейин чиқадиган фирқалар ҳам аслида ушбу фирқалардан бирига мансуб

бўлади.

Аллоҳ таоло барчаларимизни ихтилофлардан сақланиб, Пайғамбаримиз алайҳиссалом ва саҳобаи киромларнинг йўлларида доимо собитқадам бўлиб боришга муваффақ қилсин.

Аллоҳ таолога ҳамду санолар, пайғамбаримиз Муҳаммад мустафога салавот ва саломлар бўлсин.

Абдулқодир Абдур Раҳим